

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
DEC 12 1939

T 3134/5991.81

Y

Blank page with faint bleed-through text from the reverse side. The text is illegible due to fading and ghosting.

Blank page with faint bleed-through text from the reverse side. The text is illegible due to fading and ghosting.

東光縣志卷之八

勸懲諸文

文者道之華經世之具也孔子觀夏商之禮嘆杞  
宋之無徵稽古開來不誠係以文哉第刻而雕蟲  
陋而畫虎虛而屠龍於文奚當乎鴻章大翰悉以  
闡風化紀治績者垂爲可久邑之文或以寵錫馳  
恩或以時事奏議或以建置紀績或以爲民謀生  
爲國立法皆志之不可無者也用廣紀聞附之末

簡

哈佛大學漢和  
圖書館珍藏印

誥勅

御史中丞兼侍讀劉摯制

孟子有言君仁莫不仁君義莫不義一正君而天下  
定矣朕惟臺諫言責之臣雖知無不言常救之於  
失而勸講進讀之士蓋朝夕納誨故日化而不知  
於孟子正君之義非獨有司之事也其官劉摯以  
事君非法不言使朕日聞所不聞天下稱焉官因  
今册書之成文取其興壞治忽之要論言之於無  
救之於未失使朕止於無過之地豈非汝諍臣

中大夫守尚書右丞劉摯誥

董嗣正大夫守尚書右丞劉摯職則爲丞相近世中執法議論  
不撓亦補執政者我仁宗優養正士開受言言時則  
有若包拯張昇之流咸以敢言獲聞大政舊俗已遠  
此風寂寥容悅相承亦棄不用朕追懷先正選建忠  
賢諤諤之聲庶幾前烈其官劉摯蚤以御史祗事裕  
陵力陳是非不避權寵十年流落志氣不衰召至臺  
端首聞正論進任中司之要屢開白簡之言風聲

然國是以定朕欲試其行事之實是用付以右轄之  
權治忽所關寄任尤重夫以言責人甚易以義持已  
實難爾其勉之毋使輔政之功不若言事之効

除潼川安撫劉甲誥

當一面以繼戎式倚金湯之固遴羣工而選牧軌於  
簪素之英肆隆易鎮之恩庸懋幹方之特朝議大  
煥章閣待制潼川府路兵馬都鈐轄兼本路安撫使  
知瀘州軍州事兼管內勸農使賜紫金魚袋劉甲  
高時輩志在本朝智略敢前每推誠於賦

翰藩粵從制御之行益見壯猷之展荆

去思瀘水書符已歌來暮朕斬寧王度  
匪厥今闡寄之雄無若漢中之地惟天設險  
瞻邇關以猶存衆志成城得實臣而可恃特委  
之重切聯禁路之華顧眷倚之方深實修攘之允賴  
因利乘便勢雖易于建瓴和衆安民備莫先于徹土  
務寬憂顧嗣對僉衷

除福建常平劉震

劉震孫以元祐名臣之裔文學政事見稱當時人則

言爲言語文字之官出則屢膺禮樂光華之遣使節  
所至民氣爲蒸是蓋諸大體者聞更歎歲而前有執  
常平使者繫斯民司命是用起家而子節焉其尚時  
欽哉公激揚以補子選使之意

工部右侍郎廖夔祖父有能祖母趙氏誥命

國家之政分勞毋藉於臣工孫子之賢遺慶式原  
祖德故臣之事君必竭其分而國之禮寵不遺其先  
在古則然於今猶重爾廖有能乃工部右侍郎紀  
父郡邑名家鄉邦善士性資敦樸襟度坦平積厚

德於一身每多義舉兆嘉祥於再世十有聞而  
佐邦土之司方隆寵任國典舉推恩之命肇示褒崇  
理則宜然朕奚容恡茲特贈爾爲通議大夫工部右  
侍郎門閥增輝豈但九原之  
之休

錫類推恩朝廷舉勸功之尊祖及妣子孫懷追遠  
之情蓋遡流者必求其源而觀德者必論其世事關  
風教禮備情文爾趙氏乃工部右侍郎廖紀之祖母  
懿質夙全名門作配治內功成於閭範相夫名著於

東光縣志 卷之八  
鄉評眷慶澤之延長肆聞孫之登用官班增峻丕揚  
偉績於朝行綸命追崇庸賁休光於泉壤用昭往懿  
永慰幽靈茲特贈爾爲淑人慈範旣遠而彌彰式弘  
佐啓卹典有隆而無替尙克歆乎

工部右侍郎廖紀父瑄母王氏誥命

父以教忠爲賢式勤啓迪子以養志爲孝務在顯揚  
眷我廷臣丕隆宦業揆義方之素著宜恩典之頒頒  
爾贈奉直大夫吏部文選司員外郎廖瑄乃工部右  
侍郎紀之父字暹恢剛性其謹厚孝親友弟家聲

仰其儀刑恤匱周窮鄉鄙每沾其德以念光前祿後  
莫大於儒猷故涉史窮經篤成乎誥以報國久殫乎  
忠藎推封早被乎褒章顧今三品之榮久棄五鼎之  
養載申追卹用發幽潛茲特加贈爾爲通議大夫工  
部右侍郎揚於王庭丕著貽謀之美告於禰室永垂  
祝號之光

母有教育之德與父式均國有褒錫之恩惟賢是予  
況尸能臣之績足徵慈範之良存歿雖殊恩典則一  
爾贈宜人王氏乃工部右侍郎廖紀之母勤儉兼三

慈孝夙全撫卹孤嫠仁不遺於遠族敬恭賓祭禮克相乎良人儀型夙著於家庭善譽久傳於姻黨粵有賢子顯列朝行哀榮兩被於郎曹褒錫載隆於卿位名因益顯恩豈徒施茲特加贈爾爲淑人遺範具存庶流傳於有永懿靈不昧尚歆享於無窮

工部右侍郎廖紀暨妻郭氏李氏誥命

冬卿秩峻允資輔佐之良山厥務殷式重總理之寄民力攸賴國用是資匪求才行之全曷稱望昇之切既茂揚於休聞宜超示於殊恩咨爾工部右侍郎廖

紀質厚德醇慮周識遠京闈高薦甲第英流首列職於郎曹久分司於邦治進居太僕佐長僚而馬政事修載陟奉常督譯館而詞翰惟謹踐厥既久諳練益深比允協於僉言遂超陞於今職乃能躬行三事表率羣僚革獎除奸才實精於覺察奉公持正志不屈於世強心惟獨勞事皆有濟譽望允孚於中外操持罔間於初終簡在朕心益注肆頒異渥用獎忠勤茲特進爾階通議大夫錫之誥命於戲才堪重任已徵歷試之能官在明揚佇有超登之寵尚其自厲



東光縣志 卷之八  
朕不爾忘欽哉

明齊體以敦風化實古今之常經隨官品以示褒封  
亦朝廷之著令矧我賢臣之配克殫由助之勞寵命  
所加幽明罔間工部右侍郎廖紀妻贈宜人郭氏稟  
資端靜毓德慈良禮義從夫有儆戒相成之益儉勤  
率下無貴驕自待之心賢聲茂著於六朝褒錫蚤膺  
于一命琴瑟中斷竟乖偕老之心綸綍 頒載舉追  
宗之典茲惟異數實體恒情是特加贈 爲淑人尚  
增輝於九原庶流芳於百世

人之有宗婦位不可虛朝廷之有褒封禮無庸廢  
矧予卿佐丕著勲庸於其續配之良可核褒嘉之命  
工部右侍郎廖紀繼室封宜人李氏夙奉姆儀晚歸  
世族惠和成性格謹從身服圖章以相夫式隆闔範  
渙絲綸以錫命蚤荷朝封夫階爵陟於貳卿國典宜  
甲乎再命式彰內助庸示中閨茲特加封爾爲淑人  
欽承命服之光華益耀內廷之朝謁

貴州道監察御史張珩父慶母息氏勅命

自昔言孝日立身揚名以顯父母夫爲人子者孰不

有是心哉然非遇湛恩敷錫則有心固有所限而  
能以自遂矣爾張慶乃貴州道監察御史珩之父  
友著於家庭仁厚孚於鄉曲雖畜德未究然有子嗣  
宜持予臺憲亦慶延之及也年不待養良可憫惜茲  
特贈爾爲文林郎貴州道監察御史服予光寵責爾

幽原

朕凡施恩臣下及其父必及其母者蓋德因子以彰  
必如是始足以遂其顯揚之心而慰其懷倦之慕也  
爾息氏乃貴州道監察御史珩之母貞順節躬孝恭

靡懈流祥衍慶逮爾嗣人茲特贈爾爲孺人不取  
其承感册

貴州道監察御史張珩暨妻王氏莊氏勅命

國家設御史以肅正朝廷綜攝綱紀比政之不稽於  
道臣之不協於極咸得言之乃其可從則更命令易  
取舍因朕所虛心而聽也厥任豈不重哉爾貴州道  
監察御史張珩蚤由制科簡任使垣卿命四方應對  
得體往朕采之僉言俾司臺憲用能以忠誠不貳之  
心爲儷亮切劘之論可謂不負其耳目之司矣茲以

廟建覃恩特進爾階文林郎錫之勅命夫體要不以  
則獻納必悖是非不核則激揚罔從尚益懋圖嗣積  
爾效

婦之於夫同隱約於雞鳴盥櫛之初而不其休顯於  
象服委蛇之日豈非人情之所感惻哉爾貴州道監  
察御史張珩妻王氏早孀名宗克修祀饋相夫有位  
弗其其榮茲特贈爾爲孺人匪徒爲幽窆之光亦以  
爲夫生者

古之君子內無宴安之習出有委蛇之風豈非以此  
德配之賢交相愛助耶恩不並及其所謂稱也爾貴  
州道監察御史張珩繼室王氏懿質夙成徽音允嗣  
相其君子蜚譽西臺其順敬可徵已茲特封爾爲孺  
人茂膺綸綍之榮益勵蘋蘩之職

陝西按察司副使莊蒞民父綱母劉氏諱命  
夫砥行好修之士衡泌潛踪而能式穀有人茂揚休  
美斯亦修行之效也爾贈中順大夫陝西西安府知  
府莊綱乃陝西按察司副使蒞民之父孝友裨躬善  
良範休爾子積學登仕秉憲宣猷爾之教也今以覃

恩是用贈爾爲中憲大夫陝西按察司副使用生員  
立之光以慰柩捲之慕

劬勞之念人子同悲屬此覃恩可無追命爾贈恭人  
劉氏乃陝西按察司副使莊蒞民之母勤儉相夫仁  
慈鞠子克嗣斷機之訓用成藩屏之功茲特贈爾爲  
恭人鶴馭乘而弗援龍章煥而增輝

陝西按察司分巡河西道副使莊蒞民暨妻李  
氏陽氏誥命

國家設臺以司憲治又設副以分其職而所分之

地肅紀嚴防尤專屬焉矧鄰患水近邊非有經緯之  
壯猷弗在也爾陝西按察司分巡河西道副使莊蒞  
民制科拔僑劇邑分符擢任法曹持平丕著乎明允  
命守名邦臨下誕敷乎德政乃晉臬司分屬鄰地爾  
能出其才略殫乃忠猷釐奸弊以勅法百姓晏然嚴  
守累以清戎四境不擾可謂憲臣之良已屬此覃恩  
可無褒錫茲特授爾階中憲大夫錫之誥命於戲錫  
類之心朕方仁不志遠勤王之志爾當義不避難靖  
其厥職光服期訓欽哉

朝廷功令旌臣之助錄及內燉歿而不忘典至厚焉  
爾陝西按察司副使莊蒞民妻恭人李氏親理井白  
勤戒雞鳴身雖蚤世典宜並榮茲特贈爾爲恭人沐  
寵幽泉增輝彤管

夫持法秉憲之臣整飭安撫統攝不易非內有媿德  
之質疇不分厥念哉爾陝西按察司副使莊蒞民繼  
妻封恭人楊氏共蘋藻以宜家樂縞綦而從宦夫之  
績內實相之茲特封爾爲恭人戒爾雞鳴宜其象服

大理寺左評事陸燦父松母張氏勅命

士之宣力於朝所以報主亦所以顯親也其或朝  
有祇叙而親則弗逮焉非追恤之命何以慰其服勞  
之私哉爾陸松乃大理寺左評事燦之父性醇孝在  
志洽寬仁訓迪嗣人昌啓厥世雖康祿養奄忽於茲  
茲以乃嗣之績贈爾文林郎大理寺左評事用彰能  
教之賢以慰未畢之志

夫母之於子其鞠育顧復之恩有獨至者蓼莪之感  
古今之所同也國家體人情以率下本孝思以勸忠  
節有遺焉爾張氏乃大理寺左評事陸燦之母持身

純恪篤以惠慈克贊義方輔成嚴訓其恩不可泯已  
茲贈爾爲孺人庶遂欲報之心以酬罔極之德

大理寺左評事陸燦暨妻穆氏勅命

國家設廷平以平刑獄者所以惠百姓之蒙辜慮傳  
致之成辟務盡論讞之方廣參稽之路使民得以反  
其情而國無遺法也非是俊义不輕畀焉爾大理寺  
左評事陸燦發穎巍科擢任茲職敬勤自勵明察在  
聞用效勞勤以祇厥績茲當奏最乃進階文林郎錫  
之勅命夫刑獄之事至於大理而遂成矣成則不可

故聖人甚慎之昔唐典稱大理之職以五聽察其  
情以三慮盡其理皆所以深致慎也爾尚恭勤自勵  
自古人以能靖共於位而其室人亦交儆於家此其  
職異而事同也故朝廷寵褒之典必並及之爾大理  
寺左評事陸燦妻穆氏本自令族嬪於德門克慎其  
儀以相君子茲封爾爲孺人優渥茂承敬戒無替

中書舍人馬汝松父堯輔母楊氏勅命

自昔言孝以揚名顯親爲大人子疇不矢願哉然非  
湛恩敷錫則情有所限而罔克遂矣爾馬堯輔乃

書舍人馬汝松之父暫從仕籍卽遊丘園雖所蘊未  
盡究然有子而賢蜚聲朝籍亦爾德之基爾教之良  
道安享祿養固天道哉茲特封爾爲徵仕郎中書舍  
人祗沐恩休益隆壽考

朕惟母之於子有煦育罔極之恩乃其慈訓實與父  
同則錫命之及顧可復有殊哉爾中書舍人馬汝松  
母楊氏莊懿貞靜祀饗克修積德延祥蔚發厥子天  
道助順信有徵矣茲特封爾爲孺人茂膺寵服之榮

益篤其慶

中書舍人馬汝松暨妻卬氏勅命

朕惟中書舍人在古位齊三省風望甚高我國家命  
司藻翰秩列清華而又非進士不以授蓋亦慎重茲  
選也爾中書舍人馬汝松脫穎制科起爲時彥往所  
司謂爾文章德器宜置秘垣朕卽亟從俾踐厥服雖  
歷載未久而茂著聲稱朕甚嘉之茲以大慶單恩特  
進爾階徵仕郎錫之勅命夫居侍從典掌綸誥士林  
自昔爲難若爾亦可謂榮遇矣尚益懋厥修嗣有顯  
陟

朝廷推恩臣子及其伉儷固緣齊體之義然儆戒以  
成功昭內助旌德之典所宜均及也爾中書舍人馬  
汝松妻曲氏早以淑德克配令人而夫矢心公家罔  
有內顧之憂爾之賢可少哉茲特封爾為孺人茂迓  
寵嘉益光壺範

河南彰德府安陽縣知縣馬允登父工科都給

事中汝松母孺人曲氏勅命 燬於火

河南彰德府安陽縣知縣馬允登繼母徐氏勅

命

十荷德於母氏豈必身離於裏然後為篤哉有能  
撫孤訓育克底於成則恩勤之厚均有所欲報也爾  
工科都給事中馬汝松繼室徐氏乃河南彰德府安  
陽縣知縣馬允登之繼母視躬溫惠賦性靜貞相夫  
允嗣乎前徽愛子不異於已出令儀遠萎榮養未霑  
而爾為孺人沒而有知服之無斃

河南彰德府安陽縣知縣馬允登暨妻王氏勅

命

朕念長吏職在親民恒兢兢於率作者成之令若三



東光縣志 卷之六  
載課績必登最考而後褒序之蓋其慎也爾河南彰  
德府安陽縣知縣馬允登擢自制科掄於宰牧廉潔  
通敏屢徙劇繁而能矢志殫勞隨試輒效功譽翕然  
著焉茲授爾階文林郎錫之勅命於戲政以持久爲  
難名以保終爲善爾治行亦既有聞矣尚其慎終如  
始庶幾古良吏之績予則顯陟汝欽哉

人臣奉職循理著有治行者必賴齊體之賢以匡佐  
之此從爵之恩所由疏也爾河南彰德府安陽縣知  
縣馬允登妻王氏夙以令德嬪於哲人壺政穆修官

常協贊嘉乃勞動昇之休恩茲封爾爲孺人象服孔  
輝鸞照益勵

遼東廣寧管糧山東濟南府同知馬紹芳父湖

廣布政使司右叅政進階中大夫允登母贈

淑人王氏誥命

燬於火

廣寧管糧山東濟南府同知馬紹芳暨妻趙氏

邢氏伊氏誥命

在昔我皇祖軫念軍興而廣鎮當乎雄要特選有材  
幹者往倅其地以筦軍儲一切機宜得與聞焉國有

大慶寧忘爾勤勞乎爾遼東廣寧管糧山東濟南府  
同知馬紹芳乃工科都給事中汝松之孫湖廣布政  
使司右叅政允登之子粹品鴻才清風亮節迨蜚英  
於選後遂振彩於花封旣簡輿情用擢巖鎮借箸  
孤城之孱膽投醪布絕塞之陽春處危岌而能御以  
安間當煩錯而克籌以暇整馬騰士飽食足備嚴嚮  
者邊陲小警爾能以意調發隨劄而去覘爾風猷矣  
朕甚嘉之茲以覃恩特授爾階奉政大夫錫之誥命  
夫遼之地危於無兵而非無兵也遼之兵危於無餉  
而非無餉也金城方畧朕不中制爾其悉心大計佐  
元老壯猷朕不以格格汝

人臣展錯明時而縑襦之配不登於年寧無菅蒯之  
思朝廷申明明恩而必及其元嬪王制以人情爲萬也  
爾廣寧管糧同知馬紹芳妻贈孺人趙氏辨族幽貞  
德門作配敬事特虔於釜錡素心稱勵於綦巾襄五  
絨之清忠雲蒸霧變贊千秋之大業繡虎雕龍雖遠  
芳音宜錫徽典茲用贈爾爲宜人新綸疊被於黃壚  
舊德重輝於彤管

妻並貴司封氏所不掌也朝廷單浩蕩之恩敷天  
同慶矧邊徼勞吏尤朕所加意振作可無破格以旌  
之爾廣寧管糧同知馬紹芳繼妻邢氏靜嫻則訓動  
用圖書和以蒞衆而成嚴恭以承尊而能愛前猷力  
紹宗祐克昌念方澤之猶存瞻學機之中斷特加顯  
命式慰幽貞茲用贈爾爲宜人錫鸞綉以爲華佩鴻  
厯而如在

北門大夫馳驅王事室人爲之交推矧戎旅捨擯之  
役微賢有室烏能相我勞臣也有佐稱賢朝廷特下  
聖旨以旌之爾廣寧管糧同知馬紹芳繼妻封孺人  
何氏恪修盡政祇順懿徽素心力謝鉛華朴志恒存  
淡雅調甘何色羞明水以爲歡微爛襄勤戴曉星而  
視夜宜膺褒寵用陟芳猷茲用封爾爲宜人尚承榮  
於珈菲益篤祐於衿觶

尚寶司卿王嘉言父畿母梁氏誥命

士之隱居而學將欲達而行之也顧有抱藝弗試而  
能駿發於子則其隱求之志亦固弗遂矣况終有譽  
命之逮乎爾贈文林郎浙江道監察御史王畿乃尚

東光縣志 卷之八  
尚寶司卿王嘉言之父飭躬砥行式訓家邦力學窮經  
聳聲庠校雖儒科之偶誦乃胤祚之克昌爾子服采  
清時升華秘掖爾實教之是用加贈爾爲奉政大夫  
尚寶司卿歆茲寵綽庇爾後人

及親而仕三釜爲悅此人子之至情也今獲有壽母  
而又承海錫之恩以爲榮不尤幸哉朕體羣臣肆有  
休渥爾封太孺人梁氏乃尚寶司卿王嘉言之母旣  
孝且慈克勤而儉訓育胤嗣積學致身惟予符省之  
良木爾庭闈之訓綸章普錫祿表方寧茲用加封爾

太宜人服此休光永綏祉履

尚寶司卿王嘉言暨妻李氏誥命

朕肇建儲闈祇承天慶惟茲庶衆並錫褒章矧符臺  
列卿秩清地者哉爾尚寶司卿王嘉言性行端純才  
資敏達自儲英秘館執憲臺中建列時宜多所匡益  
以而綜事董役雅著勤勞擢佐納言用昭茂賞尋以  
爾疏畋授今官就列之初會茲盛典是用授爾階奉  
政大夫錫之誥命夫出入符節參陪輦乘爲近掖侍  
從之臣於爾榮矣尚懋遠猷以圖稱塞無負朕簡陟

恩欽哉

朕嘉人臣之效職而錫命逮其室家所以示從禮之禮亦以隆相成之義也爾尚寶司卿王嘉言妻封孀人李氏躬有令儀嬪於良士克孝克敬以宜其家爾夫之矢心國事罔恤其私者爾助居多焉是用封爾爲宜人祇承象服之華益懋鷄鳴之戒

吏部稽勲司員外郎王元爽父漑槐母施氏柴氏穆氏誥命

朕聞天道積於虛非不用之地也有所以大用焉

懷誠負軼不偶於時而以遺經廸將其後者雖載景哉固厚覆以宏發非夫一瀉莫繼者倫矣爾生員贈吏部考功司王事王漑槐乃吏部稽勲司員外郎元爽之父芳聞籍甚雅行絕倫紹杜吏之風徽不先人以賢智快鳳毛之羽翮竟致子於雲霄故司李馳封旣就振輿之聽旣考功賁贈寵生壠草之榮斯累世並涉其隆而一身獨處其盛矣乃穀似益崇於銓列宜庸顯首溯於本源茲加贈爾爲奉直大夫吏部稽勲司員外郎載申文部之袞綸用慰于門之壤志

東光縣志 卷之八  
至盈山料理有固爾迨剖爲琮璜薦之庭廟而山遂  
以不朽故以吳隱之之賢而待舉於韓康伯之母荆  
璞崑崙殆謂是與子大夫啜菽之嘆寧非朕錫類之  
思爾贈安人施氏乃吏部稽勲司員外郎王元爽之  
母作嬪諸人誕鍾令胤婉嫕柔嘉之女範靜貞泊素  
之姆儀解珥襄蘋鸞鏡蚤分於眉案篝燈課荻熊丸  
空澤於栝倦雖累馬鬣之封黃蓋切松楸之罷社愍  
綸斯錫幽寵宜申茲加贈爾爲宜人衆母夙慰於祥  
刑卿長載榮夫象服

子生於母而不必成於生恩非毛裏者情難強具  
必至蓋繼之難也使子無母而有母事母如其母則  
朕亦何漸絲綸以旌幽淑矣爾贈安人柴氏乃吏部  
稽勲司員外郎王元爽之繼母儒宗閨彥闕姓良媛  
遺育方孩詎借未知於抱子餘芳誰嗣迺今洵美於  
同聲授經多翟母之功去幃續風木之慟慈顏可翹  
儼令子以如存懿範猶新肆宸衷之載及茲加贈爾  
爲宜人有賁斯皇之寵聿彰不夜之光  
良臣之積勞於國猶懿女之著範於家也婦有不能

東光縣志 卷之八  
物之幽士有不獲畢酬之願朝廷不爲曲體而磨  
之抑何以聞貞潛之耀發盡碩之思乎爾贈安人  
穆氏乃吏部稽勲司員外郎王元爽之繼母性靜以  
一度肅而雖佐儆聞鷄則嗣徽允迪勵勤咀膽則提  
胤如生乃綠袖之歡新胡萱枝之鼎折塵空羅鞵願  
既沮於導輿情切生成恩幸沾於異數茲加贈爾爲  
宜人載煥沉泉之色永伸靜樹之思

吏部稽勲司員外郎王元爽暨妻潘氏誥命

朕惟人流之業國家以之卽叙鴻功而亦銓世以  
自餘也則當麗嵩之際甄別維難匪守通外直鮮克  
兼其用焉爾吏部稽勲司員外郎王元爽秉心淵曠  
鑒世衡平蚤司憲於南畿雅稱騶虞之譽爰升華於  
省服允協玉尺之褒而爾瑩情彌勵約尚愈光清搽  
水蘂之恒甘藻識倫品之坐照人知自畏適以驗其  
家聲鶴署廻翔故益彰其素節屬予造哲之初會乃  
丁時事之孔艱爾能慎簡官方遴布中外俾九班熙  
載而五長承流爾於績用其懋已茲用覃恩授爾階  
奉直大夫錫之誥命鑑以久而明如新水歷遠而澄

若故斯足尚也爾寔提人士之眉目宜賓殫精白之  
腹心苟天曹不懈於官成卽諸司共蒸爲治象以人  
爲事寧第宸翰之攸嘉惟爾之能且虛卿月以相待  
欽哉

士之能祗載亮工佐天子平明之治者非獨行之賢  
也是必有良友焉秉燭而語舉爾所知以稱內助不  
虛已爾吏部稽勲司員外郎王元爽妻封安人潘氏  
惠質蘭心女宗嬪則甘調滌灑承瀕克代其子情操  
作展斯書聲時出於行韻用能襄康平之李益以成

要之名惟結以從自是綦編之願贊彼君子識慶  
相友固知人倫之鑑蚤在閨中爰勵素絲並承紫綰  
茲加封爾爲宜人翟氏已申於三錫衿繫未艾於疏  
榮

都察院右副都御史郭典治祖父崇祖母閻氏  
馬氏誥命

芑謀垂裕嘉先烈之賒孫麟慶推恩溯祖功於繩武  
蓋源濬者澤斯長本蕃者枝自茂家稱榮邁國有彝  
章爾原任巡檢郭崇乃都察院右副都御史仍管大



漢寺卿事郭興治之祖父材資倜儻性行廉明屈出  
志於抱關不改賢良之度試清標於樞鎮獨高曾史  
之風家產不營貧而益行其惠升沉罔問物而彌豐  
其操雖枳棲暫鬱無嫌漸栢之鴻而槐蔭陰濃立見  
高門之駟爰啓聞孫光子罔寺羨菑畲之已獲溯爾  
祖功美堂構之克開昭茲國寵是用贈爾爲通議大  
夫都察院右副都御史再世而昌播新恩於卿月九  
述舊德於幽泉

國章資梓署糾繩之弼善人裕後賴閨門媲美  
之媛於清功溥賦於上卿得介福揚休乎王母爾聞  
氏乃都察院右副都御史仍管太僕寺卿事郭興治  
之前祖母範隆正始德協在中佐餒調甘曲盡承尊  
之孝方冊蓄旨懋宣幹室之勤同薄秩於亭員聿贊  
分禽而負弩借丘樊於隱士更能饋饁而課耕芳猷  
已兆於開先繩武彌彰於來許式霈紀綱之澤用弘  
似續之思是用贈爾爲淑人慈階幽懿指石窅以疏  
榮法座殊恩麗瑤華而煥彩  
自昔續祖之良必厚含飴之報矧先後同心而辛劬

東光縣志 卷之八  
三  
佐非遡發祥乎養女用申彝典於文孫爾馬氏乃  
都察院右副都御史仍管太僕寺卿事郭興治之祖  
母沼沚揚芬河山比德出蟬聯之鼎族教習圖箴著  
燕婉之芳規性成溫順繼前徽而克紹統內美其攸  
兼操作佐家針經弗馳夫五夜疏椎助隱編綦借樂  
於一丘樹冢介之標儀共襄澣洗成胤嗣之邃學益  
勵焚膏儉勤允著乎宜家繩振克開於昌後是用贈  
爾爲淑人祥風掩竈歆茲烝畀之儀華露騰軒篤爾  
雲仍之慶

都察院右副都御史郭興治父時萃母王氏諱

命

士人懷瑾握瑜不顯於身必彰於後人子疏榮醴報  
既出於鞠卽同於生通義懋定乎倫常濊澤洪敷乎  
國典爾贈徵仕郎工科給事中郭時萃乃都察院右  
副都御史仍管太僕寺卿事郭興治之父稟姿軒達  
負性環奇雖獵敏英辯蟾精於弱歲識資穎異荅孔  
雀於鵬年乃一試占畢而弗醜六藝翺翔以寄志情  
殷抱樹能愉色於承歡誼篤存荆克因心而恭愛排

義高國士口不言功好施力竭周貧豪同古俠肆  
祝蠲起搏霄之羽當飛龍扞夾日之誠是用贈爾爲  
通議大夫都察院右副都御史曉旭銅駝魏關之絲  
綸有赫秋風石馬佳城之氣象維新

禮重人後報切教成旣已繼體而稱尊矧同屬毛而  
憫育用昭懿範特簡愍綸爾贈孺人王氏乃都察院  
右副都御史仍管太僕寺卿事郭興治之母儀宜女  
史派衍儒宗敬戒無違門著衿鞶之訓端嚴有則性  
遵箴誠之規孝竭力於尊章卽厠踰而親浣和更藹

如姪卹其慕娘而弗私乃未徵大國之香遂續池塘  
少旋悲鸞影凄霜月而持門溥愛鳩慈在桑梅而  
如裏栢臺績茂護背功高是用贈爾爲淑人譽問不  
忘難慰梧捲之慕褒章聿歸式增窳窳之輝

都察院右副都御史郭興治本生父時問母王

氏誥命

朕纘承休緒大賚臣工旣錫類以仁復推恩而廣  
孝所以明大生之本勵致至之忠國有典常宜不爾  
靳爾生員贈徵仕郎工科給事中郭時問乃都察院

右副都御史仍管太僕寺卿事郭興治之本生父學  
有本原行堪儀表精窮象緯探微繼邵子之蹤聲著  
擊比問字滿侯芭之履鎔金作范每矩折而規旋錫  
在含輝惟左圖而右史羨鴻磐之儀羽清風猶襲夫  
里間美燕翼之穀貽忠教克培乎梁棟根深則幹必  
茂蓄極而發乃 械樸遺恩敷苗食報是用贈爾爲  
通議大夫都察院右副都御史烏臺疏爵爰循氣以  
滋榮馬鬣馳恩卒尋源而溯本

明發有懷母之恩與父並劬勞致感子之慕乃天親  
卹降尊素著於禮文而追報宜仲夫國典可無起義  
以慰遐思爾贈孺人王氏乃都察院右副都御史仍  
管太僕寺卿事郭興治之本生母習深禮法性秉幽  
閑躬勤儉以持家操肅雍而立範承尊有恪孝實本  
於根心課子惟嚴道克遵夫善愛成考槃之高蹈惠  
以能溫起瑣闥之英聲慈而有紀惟垂範素嫻於啟  
迪故充閭績奏乎忠貞追維晝荻之勤可後疏綸之  
典是用贈爾爲淑人松丘舊蔭服茲鸞誥之華栢府  
新階快此龍章之賁

大理寺右評事莊憲祖父有儀母趙氏王氏勅  
命

昔于稱高門傳著治譜則世業有由來矣是以彰式  
殺也爾原任山東平度州同知莊有儀乃大理寺右  
評事莊憲祖之父奮跡胄雍分猷州慕碑有甘棠之  
祝里仰庚桑之居遺素卷於書香風清棘木紹青箱  
於駒齒膏流圜扉茲單叙贈爾爲文林郎大理寺右  
評事鯉庭崇褒槐陰增茂

鄭善果之持平資於母教則慈範卽刑書也可無渥  
典以昭護德爾趙氏乃大理寺右評事莊憲祖之  
母性鍾淳懿度秉柔貞聚順風著於采蘋如琴如瑟  
推愛恩逮於樛木若裏若毛清可佐廉慈能彌教是  
用贈爾爲孺人莫承鍾釜川慰栢捲

蓋獨躡淵毓彩丹穴鍾雛則明刑之彥自貽教已然  
英國典必並霑焉爾王氏乃大理寺右評事莊憲祖  
之生母齊莊爲度婉嫵其姿乃鍾寢節之詩用協徵  
蘭之吉於今棘寺執讞猶聞雋母芳規是用封爾爲  
太孺人綸自天申福如川至

大理寺右評事莊憲祖暨妻邢氏朱氏勅命

國家設廷尉評以察麗求中任甚重矣必祥刑之英

乃光斯選爾大理寺右評事莊憲祖蜚聲丹陛展采

棘曹而爾聽詳五辭庭有覆盆之照典稽八議心存

解網之慈受事方新折獄惟允茲覃恩授爾署文

郎錫之勅命自昔三緊十事望重廷評者此非而署

卡山岸尚其紹休往昔懋勉新猷朕將耳目是寄焉

禦窮之婦實稱元配而厥佩不及借減能無伉儷之

則乎爾大理寺右評事莊憲祖妻邢氏乘嘉為梁淑

慎著模緝緝承定省之歡筐筥相縹緲之業芳儀既

迥蕙問猶傳是川財爾為孺人榮芝簡於初命慰苕

華於九原

習嚴惟內詩美刑于則持丹之配印弼教之規矣爾

大理寺右評事莊憲祖繼妻朱氏女德素嫻前徽嗣

美傲翺翔於振羽儉佐羔絲襄簡乎於持衡平著肺

石是用封爾為孺人翟菲宣華衿輦表度

山東兗州府通判劉佳禎暨妻余氏勅命

別駕分五馬之榮靖四封之誓似以虎符重者是不

然夫御暴所以安元元也別駕猶多所雜治役冗而民遠非精心勵節何以祛壅而致之治乎爾山東兗州府管理泲河兼馬政捕務通判劉佳禎早著文名雅精吏治黃堂脫穎展驥馭於康莊皂蓋分符編集鱗於陬隧劃然盤錯之解卓乎水蘖之操訊獄詳明法網踰於爾域惟關峻潔心獨異乎臣門警絕綠林歌騰青野薦牘稱優於半刺計書奏最於二年特授爾階承德郎錫之勅命頃且照爾一州有專城之寄矣其任踰於別駕擬諸太守曾思其所以爲之者否

無亦周之六廉爾之一清足以盡之也尚竟厥操益  
需朕命

朕聞郡守稱賢者猷分於別駕官方懋績者德贊於中閭蓋倅之佐長婦之佐夫等爾疏榮從貴國有彝章爾山東兗州府管理泲河兼馬政捕務通判劉佳禎妻余氏內則無違令儀不怠結褵贈佩並德齊眉居約而佐業下帷時勵鵬騫之志佐官而襄廉度編殊多難儆之功茲用封爾爲安人需一命以疏榮爲五緘而示勸

刑部湘江清吏司員外郎息安妻宋氏誥命

夫任職之臣能盡心國事亦必其內助有人褒榮之命所宜及之行在刑部湘江清吏司員外郎息安之妻宋氏克相其夫今封爾為宜人欽哉恩命庶克有

終

皇清勅命

行人司行人馬之駛父紹芳母邢氏伊氏勅命

資父事君臣子篤匪躬之誼作忠以孝國家弘錫類

之及爾一節方乃行人司行人加一級馬之駛

善積於家前開厥後教子著義方之訓傳家祖堂構

之遺茲以覃恩贈爾為文林郎行人司行人加一級

錫之勅命於戲殊榮必逮於所親寵命川光夫有子

承茲優渥永苾忠勤

奉職在公嘉教勞之有自推恩將母宜錫典之攸隆

爾行人司行人加一級馬之駛母邢氏壺範宜家夙

惕承筐之媿母儀貽穀載昭畫荻之芳茲以覃恩贈

爾為孺人於戲彰淑德於不瑕式榮象服膺寵命之

有赫永賁泉壚



劬勞同於已出母氏鞠育之恩褒恤並於所生朝廷旌揚之典爾行人司行人加一級馬之馱繼母伊氏夙嫻壺範克嗣徽音相夫克敬以宜家教子能勤而奉職茲以覃恩贈爾爲孺人於戲淑德藉絲綸增煥芳模與翟弗齊輝寵渥載加泉原永慰

行人司行人馬之馱暨妻莊氏勅命

錫類推恩朝廷之大典分猷亮采臣子之常經爾行人司行人加一級馬之馱持心克謹任事惟勤王事咸賴以馳驅官方允昭於夙夜慶典或逢新編用首

茲以覃恩授爾爲夏林郎錫之勳於戲弘敷章服之榮川勵靖共之誼欽茲寵命懋乃嘉猷

恪共奉職良臣旣殫厥心貞順宜家淑女爰從其貴爾行人司行人加一級馬之馱妻莊氏含章協德令儀夙著於閨闈電勉同心內治相成於夙夜茲以覃恩封爾爲孺人於戲龍章載渙用褒敬戒之勤翟弗欽承益勵柔嘉之則

勅

雲南按察司副使莊蒞民

雲南曲靖府當四川湖廣之交爲襟喉要害重地雖設有軍衛有司官員但民夷雜處不相統攝盜賊竊發卒難遙制是以道路多阻地方不寧今特命爾前去專一整飭曲靖尋甸馬龍木密霑益等處兵備其附近貴州普安四川地方並聽管攝常在本府住劄不時往來巡歷操練軍馬修濬城池問理詞訟禁革奸弊提督該管官軍民快把截關隘勦捕盜賊凡可

以安靖邊方惠利軍民者聽爾量宜處置事有應與  
各該守巡官員計議者會議停當而行仍聽本處鎮  
守巡撫官節制各該官員有怠惰貪酷不職者輕則  
量情懲治重則奏聞區處爾為憲臣受茲委任尤須  
持廉秉公悉心幹濟務使軍民得所地方無虞斯為  
稱職如或因循怠忽責有所歸爾其慎之慎之故勅

巡按南直隸監察御史馬允登

近該科臣建議南直隸地方遼遠提學官每歲考校  
勢難遍歷欲比照甘肅宣大等處事例分屬巡按衙

門兼司已經該部議奏今奉命爾相應巡按事務兼

管南直隸廬鳳淮揚四府滁徐和三州等處學校

宜遵照近日題准事理端軌儀崇經術公黜陟勤

表閱母眩華而遺實母避怨以市恩務俾學術還淳

士有實用以稱朝廷作新人才之至意爾其欽哉所

不近議事宜條列於後其慎行之勿忽故諭

太子太保兵部尚書霍維華

朕惟我祖宗設立京營訓練軍士居常則嚴捍衛遇  
警則聽征調所以居重而馭輕也其後屢次損益尚

多釁隙皇祖世宗皇帝深惟久遠特新戎政乃悉祛  
宿弊革出諸軍舊哨司掖易三千營爲神樞并舊五  
軍神機爲三大營設大將一人各營設副將人參將  
遊擊佐擊練勇等官分領兵馬操練悉聽大將節制  
仍以文臣一員協理法制至精至備但慮不得其人  
朕茲遵奉皇祖之制特命爾協理京營戎政與同總  
督動臣督率副將參遊佐擊練勇等官各照後開營  
伍所部兵馬分投操演較閱勤惰嚴飭賞罰各營管  
操把總等官有缺具奏會同兵部選用各領兵官

如撥發占影射雇替賣放班軍私占馬匹撥與人  
騎坐等弊聽爾等參奏問悉照律例治罪降罰其  
班軍雖設有參將管領爾仍一體查理提調爾受茲  
重寄宜體朕誥戎揚武至意勉竭忠猷協心整理務  
俾營伍充實武藝精強馬壯器利內足以固衛京師  
外足以懾服奸宄斯稱委任如或因循廢弛致誤軍  
機責有所歸爾其欽承之故諭

進百將傳表

張 頌

臣嘗讀杜牧註孫子序至其所謂猶盤中走九九之  
走盤橫斜圍直繫於臨時不可盡知其必可知者九  
不能出於盤也臣始謂其言非至論及觀歷代史書  
上下千餘載間將兵者所以成所以敗莫不與武之  
善相符契由是乃以牧之言爲信然臣因擇古之所  
謂良將者得百人以其傳集成一書分爲十卷以太  
公爲首而其次者以年代題曰百將傳凡史辭泛漫

而不切於兵者一刪去之或非兵畧而可以資人之  
智慮者間亦存焉先以孫子兵法題其後次以行事  
合之叅校其得失學者觀此不獨簡而易習明而易  
曉抑亦知孫子之書不爲空言而古之賢將所以成  
功者豈無法哉臣編此書數年而後成雖不足以補  
陛下教育武士之道然臣惓惓之誠勤亦至矣臣謹  
非死上進

衡州監倉謝表

劉 攀

議令獻言知典刑之無赦原心觀過荷至聖之包容  
負其餘生處以善地伏念臣夙稟艱拙幸遭聖明學  
不能窮理而知幾材不足趨時而適變希名途以旅  
進濫文館之末流和鉛何功索米逾歲間乖人之偶  
攝於中堂旋誤主知使備員於憲府仍職書林之  
舊就任御史之中始自愚臣前無故事方陛下繼承  
於五聖而國朝平治者百年力勤肯獲之田大解不  
調之瑟蒐拔羣材而審以器使治化百度而曠然日  
新臣於此時職在言路誓殫忠義敢避勢權寧以孤  
睽許切涕衆而危身不忍從容唱和負恩而速進狂

愚自信禪益無方故宿宦之日幾何而瞽言之罪非  
一至如均民而弛役因之率戶而出泉雖慮始樂成  
者愚人之不知然損下益上者先王之戒輒條十  
害冀補萬分議臣見譏以爲敗謀而亂化清衷獨見  
知其有責而盡言不詢以誅止容其去褫臺閣之二  
職置瀟湘之一涯有祿食使之存亡有職事可以報  
效銜恩戴幸揣分增憂陛下察臣孤忠存國大體不  
借眇一夫之法庶幾留衆正之門謹當上體恩仁則  
於心報下堅節義死而不渝

謝昭雪表

劉 跂

投畀讒人已悟告官之妄蠲除詔令更申論坐之寃  
歿而有知死且不朽竊以前世論事下敢告之章法  
家原情著反坐之律未聞私書謬恣之謗可致公朝  
殄滅之刑繫被無良邁爲不令因黨友之尺牘形問  
卷之有辭引鷹揚尚父之言誦高貴鄉公之語靡慚  
咄鄙惟幸詆誣旣內慊於不報又陰虞於後患禱其  
付火固絕意於上聞託以屏人復何施於參駮不攻  
自破欲益而彰巧誰謂其如簧市共知於無虎雖毀

者挾怨必以惡聲而小人乘危遂為奇貨密賸舊札  
 歷遺眾仇險不啻於山川食無餘於大彘速從吏訊  
 幾誤國章意所株連人以股栗法有漂山之勢岌如  
 累卵之危賴先帝照囑之明察權臣吞噬之患特于  
 清問少緩嚴科然而先臣諸孤終以屏廢闔門百日  
 益復幽囚禦瘴癘者十喪隸臣妾者三歲無罪且  
 於如此大戮亦何以復加會上聖之龍飛破羣疑而  
 冰釋譴累所逮訴告必申悼前日之禍機嗟何可及  
 而自司之罪籍名或未除用再瀝於肺肝敢上摩於  
 天理無難者宜靡悼於改為事已灼然遂悉從於  
 帝止陛下乾行以健離麗而明憫大舜聖讒之方廣  
 有唐辨謗之路孤忠素節事有自於九原弱子幼孫  
 誓各堅於一死微生何算洪造難酬

疏

諫風俗五異疏

高允

臣聞前朝屢發明詔禁諸婚娶不得作樂及塋送之  
 日歌謠鼓舞殺牲燒香一切禁絕雖條旨久頒而不  
 革變將山居上者未能悛改為下者習以成俗教化



陵遲一至如此詩曰爾之教矣人思效矣人君舉動不可不慎禮云嫁女之家三日不熄火娶婦之家三日不舉樂今諸王納室皆樂部給伎以爲嬉戲而獨禁細人不得作樂此一異也古之婚者皆采德義之門簡貞閑之女先之以媒聘繼之以禮物集僚友以重其別親御輪以崇其敬今諸王十五便賜妻別舉然所配者或長少差舛或罪人官掖作合宗王遂爲妃嬪失禮之甚無復此過今皇子婚娶多出官掖令天下小人必依禮限此二異也凡萬物之生靡不有

然葬者藏也死者不可再見故深藏之昔堯葬穀林農不易而舜崩蒼梧市不改肆秦始皇作爲地市下細人死不旋踵尸焚墓掘由此推之堯舜之儉始葬之奢是非可見今國家營葬費損巨億一旦焚之以爲灰燼一爲之而不輟必欲禁下之心止此三異也古者祭必立尸序其昭穆使亡者有憑致食饗之禮今葬之人直求貌類者事之如父母宴好如夫妻損風教而亂情理莫此爲甚上未禁之下不改絕此四異也夫大饗者所以定禮儀訓萬國故聖王重

之至乃爵盈而不飲，被乾而不食，樂非雅聲則不奏，物非正色則不列。今之大會，內外相混，酒醉喧嘩，有儀式又併優鄙，褻汗辱規戒，朝廷積習以為美，而賁風俗之清純，此五異也。今陛下當百王之末，禮樂之亂之弊而不矯，然整改以厲頹俗，臣恐天下蒼生不聞見禮教矣。

奏請給終喪疏

郭興治

行人司行人郭興治與治謹題為本生母歿乞賜給假終喪以盡子情。一事臣聞之聖王制禮總不越人

心禮有定制而心亦克盡者固有所常可久之大典。心本無窮而禮不克盡者寧無必通必變之微禮。故聖王以孝慈持世，必不鬱人無已之至情。臣子以思孝盟心，又豈忍自鬱其至情哉。此臣所以不避斧鉞之誅而披瀝於君父之前也。臣自幼出繼於叔父，為子不幸，命運孤苦，甫數年之中，生父嗣父相繼淪亡。乃登仕籍而嗣母，又湫先朝露，自少至壯，洊遭患難。沈憂之餘，髮皆寸日，然猶幸踰七望八之生母，歿矣。相依也，忽於本月十六日家報至，以思臣成病故矣。

傷哉臣聞之不覺神魂俱喪五內崩裂而血淚之橫  
流也自臣備員使署畏簡書而不敢寧居效馳驅而  
不遑將母雖人臣以身許國義無反顧而桑榆暮景  
之老親其所以望天涯而目斷倚閭門而魂越者蓋  
已三年於茲矣今春臣勉離膝下復命闕庭意謂僥  
倖一差可以事竣省親豈意絕裾而出杖屨而歸哉  
憶臣出門之時母猶屬臣曰早去早回吾爲汝勉強  
加飯豈虞暫離之日遂爲長別之日暫訣之語遂爲  
永訣之語想呻吟牀簣之間彌留欲絕之際其所以

思臣望心者不知苦楚萬狀酸辛萬狀而臣竟不知  
也臣尚得爲人哉手中針線尚在遊子之衣服底白  
雲已散慈親之舍今臣卽鐵石爲心而不能不百碎  
也况乎饘粥不得親奉藥餌不得親嘗殮不知何衣  
含不知何物此皆尋常人子之所得盡者而臣皆不  
得也慟哉臣此生此世永爲疇恨之人卽地老天荒  
臣此恨不磨矣查禮有曰爲人後者爲其父母降一  
等此禮創說自漢儒或別有見然臣一腔苦痛百倍  
尋常若拘一時之定制不得終三年之喪臣願卽填

身光集卷之八  
溝祭不能強視息於人間也伏乞聖明憐臣一點苦心萬種辛荼乞勅下該部容臣給长假終三年服制庶臣烏鳥私情有所得伸異日苦塊餘生得以還答聖朝卽粉身碎骨不惜矣爲此具本謹具奏聞

議考選改授疏

莊憲祖

戶科右給事中

題爲臺省缺員甚多伏乞勅部速開已薦者之履歷舉主以仰副明旨事竊惟科道乃朝廷耳目之官繩愆糾繆察吏安民皆其職也前朝考選改授沿革不一大要以內而中行評博外而推知俸滿行

取者爲折衷蓋以其採風問俗與蒞政親民曉然於天下之故而後能勝四目四聰之寄也夫以郎署而坐缺題授則謂之改以行取而公同訪試則謂之考如前之改選部屬直可謂之考不可謂之改也頃因臺班乏員皇上允憲臣之請勅吏部詳開在外已薦之履歷舉主呈進御覽仍諭滿漢新用改選不必再行甚愛惜人才其難其慎之心也臣按已薦之推知有在外者亦有在內者外者則薦而未陞陞而未任之官是也內者則已薦見任部屬之

官是也但偶以部司缺員陞補非謂其資俸已深及不堪考選而陞之部屬也則部屬中政多已薦之推知有履歷有舉主者謂宜勅下吏部再爲察閱行取採訪以重侍從風紀之選斷不可直作部屬觀灰考任事之心絕循卓清華之望者也抑臣又有說焉從龍儘多備人滿漢自宜兼選至如新進之士除考選庶常外俱當挨序授職以待截俸候考則人不耀治而競於事功治道人心均有攸賴矣否則開創之始後人得援以爲例又孰不願於釋褐之日陞身

臺省而僕僕於四五年之風塵簿書哉因論考選而並及之謹題請旨

九鼎記  
卷之八  
七



